

ASEE

Saa Babilonin diya Asee u wurama yorun di Yerusalemuɔ ka Yuda gabu sannu. Saa ye Yuda be, ba wurama ba wãa Yerusalemuɔ, yera ba Yinni Gusunɔn sãa yee ten bana seewa. Adama ben hania ye, ya ra yemia ma ba sãa yee ten bana deri wahala ye ba waamɔn sɔ saa Samarigibun min di ka sere maa gɔɔ te ta dua ben suunu sɔɔn sɔ. Yera be ba dukia mɔ, ba tii dii geenu baniamme. Saa ye sɔɔ, ben goo kun maa kīru mɔ u ka Yinni Gusunɔn sɔmburu ko. Ma Asee u seewa u Yudaba gerusi.

Yen biru u bu dam kēmɔ bu ka bana ye se. Win gari yi sɔɔ, u nɛɛ, bu Gusunɔ mem nɔɔwɔ kpa bu win sɔmburu nɔni doke. Yera ya buram bo n kere ba n ben tiin arufaani kasu.

Tire ten kpunaa

1. Sãa yerun bana, wiru 1.
2. Sãa yee kpa ten girima, wiru 2.

Sãa yerun bana

¹ Darusi Pɛɛsiban sina bokon bandun wɔɔ yirusen suru nɔɔba tiasen tɔɔ gbiikuru sɔɔra Gusunɔ wɔllu ka tem Yinni u ka Sorobabeli Sealitielin bii, Yudaban kparo ka yãku kowo tɔnwero Yosue, Yosadakin bii gari kua saa win sɔmɔ Aseen nɔɔn di u nɛɛ, ² bɛɛ Isireliba i mɔ, saa kun tura i ka nen sãa yeru bani. ³ Yen sɔna na bɛɛ gari yini sɔɔmɔ na nɛɛ, ⁴ n bɛɛ wẽre i n wãa dii buranu sɔɔ ni ba sɔma kua, kpa nen sãa yeru ta n bansu sãa? ⁵ Yen sɔna nɛ, wɔllu ka tem Yinni na nɛɛ, i bwisikuo bɛɛn daa ye i mɔn sɔ. ⁶ Wee i dīanu duurumɔ too,

adama fiikowa i g̃εem̃. I dim̃, adama i ñ debum̃. I ñrum̃, adama b̃εen ñru kun kpeem̃. I ỹanu dokem̃, adama nu ñ b̃εε wooru giramm̃. I ñ b̃εen k̃siaru mwa, ta ra dooñwa nge te ba doke b̃ɔ̃ g̃εere s̃ɔ̃. ⁷ Yen s̃ɔ̃, ñε, Gusuñ w̃ollu ka tem Yinni na ñε, i bwisikuo b̃εen daa ye i m̃ñ s̃ɔ̃. ⁸ I seewo i da guur̃ i d̃āa kasuma i ka ñen s̃āa yee te bani, kpa i man b̃εere w̃ε. Ye s̃ɔ̃ra ko na ñ nuku dobu m̃. Ñε, Yinni Gusuñwa na yeni gerua. ⁹ I tamaa i ko i d̃īanu wawa too b̃εen gbean di. Adama wee fiikowa i wa. Fiiko ye i wa i ka da ỹenũ mi, ma na ye wom wure na yarinasia. Mbañ s̃ɔ̃. Ỹeñ s̃ɔ̃ i ñen s̃āa yeru deri ta kua bansu. Ma baawure u sende u ka win tiin diru bani. Ñε, Gusuñ w̃ollu ka tem Yinniwa na yeni gerua. ¹⁰ Yen s̃ōna gura kun maa ñem̃. M̃ya tem kun maa b̃εε d̃īanu w̃εem̃ nge m̃ε ñ weeñε. ¹¹ Na d̃era gbebura kua b̃εen tem kpuro s̃ɔ̃ ka guuñ. Ma alikama ka res̃em̃ ka olifi kpuro ya gbera. D̃īa ni tem mu ra kpiisie gesi kpuro, nu gberawa. Ma t̃ambu ka yaa sabenu ñoni s̃ɔ̃re. Ma b̃εen s̃oma ye i m̃d̃ kpuro ya kua kam.

¹² Yera Sorobabeli, Sealitielin bii, ka ỹaku kowo t̃anwero Yosue, Yosadakin bii, ka Isireli be ba tie kpuro, ba Gusuñ ben Yinnin gari yi m̃em̃ ñɔ̃wa nge m̃ε Gusuñ u win s̃om̃ Asee s̃ɔ̃wa u bu s̃ɔ̃. Ma ba nanda wi, Yinni Gusuñn wuswaã.

¹³ Asee, Yinni Gusuñn g̃ɔ̃ro u bu s̃ɔ̃wa ye Yinni Gusuñ u ññ s̃ɔ̃wa. U ñε, Yinni Gusuñ u w̃āa ka b̃εε.

¹⁴ Ma u Sorobabeli, Yudaban kparo ka Yosue, ỹaku kowo t̃anwero ka sere Isireli be ba tie dom yamia. Ba na ba ben Yinni wi u w̃ollu ka tem m̃ñ

sāa yee ten sɔmburu torua, ¹⁵ Darusin bandun wɔɔ yirusen suru nɔɔba tiasen sɔɔ yenda nnese sɔɔ.

2

Sāa yee kpaa ten girima

¹ Wɔɔn suru nɔɔba yirusen sɔɔ yenda tiase sɔɔra Yinni Gusunɔ u Asee sɔɔwa u nɛɛ, ² a Sorobabeli, Sealitielin bii, Yudaban kparo, ka yāku kowo tɔnwero Yosue, Yosadakin bii, ka sere Isireli be ba tie sɔɔwɔ a nɛɛ, ³ be, be ba tie sɔɔ, ben wara u sāa yee ten yellu yē ten girima gbiikaa sɔɔ. Tē, amɔna ba tu waasine. Nge mɛ ta sāa mi, ta n̄ sāare kam dirum ben nɔni sɔɔ? ⁴ Yen sɔ tē, nɛ, Gusunɔ wɔllu ka tem Yinni, na nɛɛ, Sorobabeli, ka Yosue, ka Isireli be ba tie, bu tii dam kēeyɔ, kpa bu sɔmburu ko. Domi na wāa ka be. ⁵ Nge mɛ na bu nɔɔ mwɛɛru kua sanam mɛ na bu yarama Egibitin di, nge mɛya na maa bu sɔɔmɔ gisɔ ma nɛn Hunde wāa ka be. Yen sɔ, bu ku bɛrum ko. ⁶ Nɛ, Gusunɔ wɔllu ka tem Yinni, na n̄ maa tɛmɔ n ka wɔllu ka tem ka nim wɔku sira. ⁷ Kon bwesenu kpuro sira kpa n de bu nin dukia gea kpuro gurama bu ka na nɛn sāa yeru mini. Kpa n sāa yee te girima yibia. Nɛ, Gusunɔ wɔllu ka tem Yinniwa na yeni gerua. ⁸ Nɛna na sii geesu ka wura mɔ. ⁹ Tē, dii ten girima ya koo yellugia kera. Miya kon tɔmbu bɔri yendu wē. Nɛ, Gusunɔ wɔllu ka tem Yinniwa na yeni gerua.

Tɔn be ba n̄ dɛɛre

¹⁰ Darusin bandun wɔɔ yirusen suru nɔɔba nnesen sɔɔ yenda nnese sɔɔra Yinni Gusunɔ u ka win sɔmɔ Asee gari kua u nɛɛ, ¹¹ a yāku kowobu woodan gari yini bikio a nɛɛ, ¹² goo ù n yāku yaa bɔkua win yaberun kasɔɔ, ma win yabe kasa ye, ya

pɛɛ baba, ñ kun mɛ kpee, ñ kun mɛ tam, ñ kun mɛ gum, ñ kun mɛ dīanu ganu, ba tamaa dīa ni, nu kua Yinni Gusunɔginu?

Ye Asee u bu bikia mɛ, yera ba wisa ba nɛɛ, aawo!

¹³ Ma Asee u maa bu bikia u nɛɛ, goo ù n disi duura yèn sɔ̄ u goru baba, ma u seewa u maa dīa ni baba, dīa nin tii nu kua disiginu?

Ma yāku kowo be, ba wisa ba nɛɛ, oo, dīa nin tii nu disi duurawa mi.

¹⁴ Yera Asee u maa nɛɛ, ameniwa Yinni Gusunɔ̄ u gerua u nɛɛ, nge meya bɛɛ Isireliba i sãa win nɔ̄ni sɔ̄. Meya maa bɛɛn nɔ̄man sɔ̄ma ya sãa. Ye i nùn wɛ̄emɔ̄ kpuro, ya disi mɔ̄.

I laakari koowo saa tɛ̄n di

¹⁵ N n mɛn na, i bwisikuo ye ya bɛɛ deema n ka gisɔ̄ girari i sere kpenu menna i ka sãa yee te bani. ¹⁶ Wee bɛɛn goo ù n seewa u alikaman sakaku yendu kasum da birarɔ̄, ma u ye so, wɔ̄kura u ra wa. U n maa seewa u tam ditiri weeraakuru kasum da resɛm gama yerɔ̄, ditiri yenda u ra wa. ¹⁷ Nɛ, Gusunɔ̄ na bɛɛn sɔ̄mburu kam koosia. Na dera guru kpenu bɛɛn dīanu sanku nu kɔ̄sa, nu bukusa duura. Adama ka mɛ, i ñ wuramɛ nen mi. Nɛ, Yinni Gusunɔ̄wa na yeni gerua. ¹⁸ Yen sɔ̄, i bwisikuo ye ya bɛɛ deema n ka gisɔ̄ girari saa mìn di ba ka sãa yee ten kpɛɛkpɛɛku swīi ba deri. Gisɔ̄n tãru ta sãawa wɔ̄ɔ̄n suru nɔ̄ɔ̄ba nɛ̄sen sɔ̄ yenda nɛ̄seru. I de i bwisiku. ¹⁹ I maa dīanu mɔ̄ biranu sɔ̄? Bɛɛn gbean dãa binuginu mara? Aawo, adama saa gisɔ̄n di, kon bɛɛ durom kua.

Nɔ̄ mWɛɛ ni Yinni Gusunɔ̄

u Sorobabeli kua

²⁰ Yinni Gusunɔ u kpam ka Asee gari kua nɔn mɛɛruse suru win sɔɔ yɛnda nnɛse te sɔɔ u nɛɛ, ²¹ a Sorobabɛli, Yudaban kparɔ sɔɔwɔ a nɛɛ, nɛ, Yinni Gusunɔ kon wɔllu ka tem sira. ²² Kon sinambu kpuron bandu fuka kpa n ben dam kpeesia. Kon bɛɛn tabu keke yi dumi gawe ka be ba dua yi sɔɔ fukiri ka sere maa dumi ka yin maasɔbu. Ben tii tiinɛwa ba koo goona ka takobiba. ²³ Yen tɔɔ te, kon nɛn sɔm kowo Sorobabɛli, Sealitiɛlin bii sua kpa n nɔn ko nɛn yĩreru. Domi wiya na gɔsa. Nɛ, Gusunɔ wɔllu ka tem Yinniwa na yeni gerua.

Luda yá takada kú Bisá yáo
Portions of the Holy Bible in the Busa language of
Nigeria

copyright © 2005 SIM International

Language: Bisá (Busa)

Translation by: SIM

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-10-10

PDF generated using Haiola and XeLaTeX on 11 Nov 2022 from source files dated 9 Oct 2020

8631d380-7d17-5581-abf9-174814e8ccc3